



Aktualizirano: decembar 2018.

Otvaranje bankovnog računa s ograničenim pravom raspolaganja („Sperrkonto“) u Njemačkoj

Za osiguranje životnih troškova, ne samo za boravak u svrhu studiranja, moraju biti predloženi dokazi.

Kao dokaz za životne troškove u viznom postupku može poslužiti otvaranje bankovnog računa s ograničenim pravom raspolaganja („Sperrkonto“). U vezi sa odabirom ponuđača usluga, imate slobodu izbora.

Ponuđače za račune s ograničenim pravom raspolaganja koji diljem svijeta nude ovu uslugu, pronaći ćete na web-stranici Ministarstva vanjskih poslova Njemačke:

<https://www.auswaertiges-amt.de/en/sperrkonto/388600>

Za otvaranje bankovnog računa („Sperrkonto“) kod **Deutsche Bank** primjenjuje se osim toga slijedeće:

- Zahtjevi za otvaranje bankovnog računa s ograničenim pravom raspolaganja se moraju ispuniti online na web stranici Deutsche Bank. Odštampan i popunjen obrazac zajedno sa važećim pasošem donijeti u Ambasadu radi utvrđivanja identiteta (u svrhu studiranja je postupak besplatan). Molimo da u vezi otvaranja bankovnog računa obratite pažnju i na ostale upute koje su navedene na web stranici Deutsche Bank.
- Načelno bi uz zahtjev za otvaranje računa trebalo priložiti i odobrenje o studiranju, ako postoji.
- Nakon ovjere odnosno utvrđivanja identiteta u Ambasadi, zahtjeve smije **isključivo** Ambasada slati u Deutsche Bank. Radi toga molimo da prilikom dolaska donesete DinA5-kovertu na kojoj je napisana adresa pošiljaoca i na kojoj je već zalijepljena poštanska markica u vrijednosti od 4,00 KM. Bez navedenog Ambasada ne može izvršiti utvrđivanje identiteta.